


石倉十二代詩選

五十七

宋三十八回

五十一

宋詩三十五



		漢書門類	
一四二册	九架	三七四函	三五五號

三九函	三七四函	三五五號	漢書
五架	四二册	四五號	

內閣文庫	
番號	漢 3745
冊數	142 (52)
函號	319 25



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



石倉十二代詩選

宋詩卷之三十八

後山集

宋彭城陳師道著

明後學曹學佺閱

規禪停雲齋

淺草文庫

淨居衆天人宮殿隨所適少仕老不歸重門閉
榛棘道人秀叢林妙語出禪寂是身如浮雲隨
處同建立平生與二子嗜好用一律我此復助
緣語綺已多責何年一把茅據坐孤峯嶺

次韻晁無斁夏雨



咫尺隔山海作書問如何蟻垤既奇糧蛙窟如
鳴鼃積暑天復雨斧斫仍手摩東臯繁草木蘭
艾不同科驚魚畏密罟獨鳥鳴南柯稍無虫飛
喧復覺蟬語多卧聞夜來雨歸種故山禾

和黃預感秋

宿雲護朝霜秋陽佐殘暑蠅癡驅復來汗下拭
莫禦庭梧自黃隕風過成夜語黃生多新詩如
盆蠶抽緒意合無古今投暗有迎拒晚炊鄰僧
米晝拾徂公芋門有曲逆車謗甚北山女窻爲

溝中斷不作太倉鼠老退無好懷續明燄兩炬
搔首不成眠寒虫促機杼

和魏衍三日

林花女頰紅春水瓜頭綠步蹇我三休來周君
一足苦嗟所歷小不盡千里日暮景向昏鴉歸
途取脩竹

陳留市隱者

陳留人物後疑有隱屠耕斯人豈其偶滿腹一
杯羹婷婷小家子與君同醉醒薄暮行且歌問

歷代詩選 卷之三十八
之諱姓名子豈達者歟槁竹聊一鳴老生何所
因稍稍聲過情閉門十日雨吟作飢鳶聲詩書
工發冢刀籥得養生飛走不同穴孔突寧暇黔
城南寓居
遊子暮何歸韋杜城南村秋水深可測挽衣踏
行雲道暗失歸處棲鳥故不喧牛羊閉籬落稚
子猶在門

送蘇公知杭州

平生羊荊州追送不作遠豈不畏簡書放麈誠
不忍一代詎數人百年能幾見昔爲馬口銜今
作禁門鍵夏雨五月涼中宵潮汐滿風帆目力
窮江空歲徂晚

次韻蘇公西湖觀月聽琴

清湖納明月遠覽無留雲人生亦何須有酒與
桐君平生今不飲意得同酣醺清言冰玉質壞
衲山水紋殫精有後悟畜耳無前聞潛魚避流
光歸鳥投重昏信有千丈清不如一尺渾

次韻蘇公涉穎

衝風不成寒。脫木還自竒。坐看白日晚。起行清
潁澹。路暗鳥遺音。江清魚弄姿。宇定怪物變。意
行覺舟遲。公與兩公子。妙語含風漪。但怪笑談
劇。莫知賓主誰。得句未肯吐。鬱鬱見睫眉。相從
能幾何。行樂當及茲。

和魏衍三日

堤沙泥盡未及塵。江波不動風生紋。虎頭魚尾
不知數。朱旗一點來奔雲。春容已老有餘態。襖
袂雖古無前聞。踏青摸石修祕祝。落日帶雨催
行人。聽詩對月雨不厭。頗覺過日徒紛紛。君不
見天寶杜陵一老叟。才大屈宋堪爲偶。

和魏衍聞鶯

春力着人朝睡重。葉底黃鸝鳴自送。綠幕朱欄
日觀明。回廊側戶風簾動。昨夜春回到寒谷。好
鳥飛來把脩竹。整翰厲觜初一鳴。已落君詩專
妙獨。退紅着綠愁緒昏。後時獨立知何言。側聽
不盡已飛去。懷抱此時誰與論。

舟中

野火燒原雉昏雒黃塵漲天牛亂鬪江間無日
不風波老去何時脫奔走詩書滿腹不及口遮
日寧須釣竿手愧爾茅簷灸背人仰看青天搔
白首

次韻無斃雪後

閉閣春雲薄開門夜雪深江梅猶故意湖雁起
歸心草潤留餘瀝窓明度積陰殷勤報春信屋
角有來禽

雪後黃樓寄梅山居士

不盧煙不起城郭歲將窮雲日明松雪溪山逗
晚風人行圖畫裏鳥度醉吟中不盡山陰興天
留憶戴公

秋懷示黃預

窓鳴風歷耳道壞草侵衣月到千家靜林昏一
鳥歸冥冥塵外趣稍稍眼中稀送老須公等秋
碁未解圍

寄潭州張芸叟

湖嶺一都會西南更上遊秋盤堆鴨脚春味薦

歷代詩選 卷之三十八
五
貓頭宣室思來暮蒸池得借留孰知爲郡樂不
動越鄉愁

除棣學

老作諸侯客貧爲一飽謀折腰真耐辱捧檄敢
輕投早作千年調中懷萬斛愁暮年隨手盡心
事計盟鷗

除官

扶老趨巖石徐行及聖時端能幾字正敢恨十
年遲肯着金根誤寧辭乳媪譏向來憂畏斷不

鹿門期

早春

度臘不成雪迎年遽得春水開還舊綠魚喜躍
倚鱗听柳絲絲發羈愁處處新老懷吾自異不
是故逢人

夏日卽事

柳絮隨風盡歡娛過眼空窮多詩有債愁極酒
無功家在斜陽外人歸滿月中肝腸渾欲破魂
夢更無窮

次韻夏日江村

漏屋簷生菌。臨江樹作門。卷簾通燕子。織竹護
雞孫。向夕微涼發。相逢故意存。何當加我歲。從
子問乾坤。

秋懷

稍稍昏煙集。藜藜一再更。短檠看細字。高枕忘
平生。來鶴妨身健。新蟾喚眼明。已須甘酒力。不
用占時名。

除夜

十已強半。所餘能幾何。懸知暮景促。逾覺後
生多。遁世名為累。留年睡却魔。西歸端着便。老
子不婆娑。

除夕對酒贈少章

歲晚身何托。燈前客未空。半生憂患裏。一夢有
無中。髮短愁催白。顏衰酒借紅。我歌君起舞。潦
倒畧相同。

元日

老境難為節。寒梢未得春。一官兼利害。百慮孰

疎親積雪無歸路，扶行有醉人。望鄉仍受歲，回首向松筠。

雪中寄魏衍

薄薄初經眼，輝輝已暎空。融泥還結凍，落木更沾叢。意在千年表，情生一念中。遙知吟榻上，不道絮因風。

雪

初雪已覆地，晚風仍積威。木吟端自許，鳥起懶成飛。寒巷聞晨吠，鄰家有夜歸。不無慚敗絮，未

易泄牛衣

雪意

睡眼拭朦朧，開門雪已濃。客來迷舊徑，虎過失新蹤。浦遠渾無鶴，林疎只有松。借留如不解，酒興若爲慵。

其二

榆關書不到，雪又滿平蕪。指冷頻呵玉，骨寒屢掩酥。綠斟冬至酒，紅擁夜深爐。塞上風沙惡，征衣得達無。

十五夜月

向老逢清節情懷托素輝
飛螢元失照重露已沾衣
稍稍孤光動沈沈衆籟微
不應明白髮似欲勸人歸

放衆

施食烏鳶喜持經鳥雀聽
杖藜矜矍鑠願影失伶俜
門靜行隨月窓虛卧見星
擁衾眠未穩艱阻飽曾經

送秦觀

士有從師樂外人那得知
欲行天下獨惟有俗間疑
秋入川原秀風連鼓角悲
折腰無寸補寧惜曳裾遲

送外舅郭大夫夔路提刑

天險連三峽官曹據上游
百年雙鬢白萬里一身浮
可使人無訟寧煩意外憂
平生晏平仲能費幾狐裘

別劉郎

一別已六載相逢有餘哀
公私兩多事災病百

相催無酒與君別有懷向誰哀深知百里遠肯
爲老夫來

別鄉舊

數有中年別寬爲滿歲期能無魚口厄聊復雁
門躋齒脫心猶壯秋清意自悲平時郡文學鄧
禹復安知

別負山居士

田園相與老此別意如何更病可無醉猶寒已
自和高名胡未廣詩句尚能多沙草東山路應

須一再過

老柏

歲月那能記風霜亦飽經輝輝垂重露點點泊
流螢色與江波共聲留靜夜聽轉因枯槁後潤
澤出新青

歸雁

弧矢千夫志瀟湘萬里秋寧爲寶箏柱肯作帛
書郵遠道勤相喚羈懷誤作愁聊寬稻梁意寧
復網羅憂

和黃克實詠榴花

春去花隨盡。紅榴暖欲燃。後時何所恨。處獨不
祈憐。葉葉自相偶。重重久更鮮。流珠沾暑雨。改
色淡朝煙。

病起

今日秋風裏。何緣此病翁。力微雖杖起。心在與
誰同。注水瓶花醒。吹薪鼎藥空。百年先得老三
敗。未爲窮。

懷遠

海外三年謫。天南萬里行。生前只爲累。身後更
須名。未有平安報。空懷故舊情。斯人有如此。無
復涕縱橫。

南豐先生挽詞

早棄人間事。真從地下遊。丘原無起日。江漢有
東流。身世從違裏。功名取次休。不應須禮樂。始
作後生仇。

丞相溫公挽詞

百姓歸周老。三年待魯儒。世方隨印化。身已要

人扶玉几雖來晚明堂訖受圖心知愛諸葛終
不羨曹蜍

其二

少學真成已中年謂著書輟耕扶日月起廢極
吹噓約志寧論晚成功不願餘一爲天下慟不
敢愛吾廬

別寶講主

此處相逢晚他鄉有勝緣呪功先伏猛戒力得
扶顛暫息三支論重參二祖禪夜牀鞋脚別何

看行纏

山口

重霧真成雨疎簾不隔風青林擁紅樹家務雜
賓鴻漁屋渾連水晴湖半落虹往來成一老猶
在客途中

鉅野少泊

滿巷牽絲直平湖墜鏡清順流風借便捷路雪
初晴鳥度欲何向鷗來只自驚有行真快意安
得易爲情

河上

背水連漁屋橫河架石梁窺巢鳥鵲競過雨艾
蒿光鳥語催春事窗明報夕陽還家慰兒女歸
路不應長

野望

霜葉紅于染吹花落更馨平江行詰屈小徑夾
葱青度鳥開愁眼遙山入畫屏畏人惟可飲從
俗却須醒

西湖

小徑才容足寒花自送香官池下鳧雁荒塚上
牛羊有子吾甘老無家去未量三年哦五字草
木借餘光

湖上

湖上難爲別梅梢已着春林喧鳥啄啄風過水
鱗鱗絲有三年盡情無一日親白頭厭奔走何
地與爲隣

寓目

曲曲河回復青青草接連去帆風力滿來雁雪

聲先野曠低歸鳥江平進晚船望鄉從此始留
眼未須穿

晚遊九曲院

和章秀才

冷落叢祠晚回還峽路賒平荷留夜雨驚鳥過
隣家雲暗重重樹風開旋旋花病軀無俗事詩
得後歸鴉

後湖晚出

水淨偏明眼城荒可當山青林無盡意白鳥有
餘閒身致江湖上名成伯季間目隨征雁盡坐
待暮鴉還

晚坐

柳弱知春色梅寒釀雪花溪明數積石月過戀
平沙病減還增藥年侵却累家後歸棲未定不
但指昏鴉

寒夜

留滯常思動艱虞却悔來寒燈挑不焰殘火擦
成灰凍水滴還歇風簾捲復開孰知文有忌情
至自生哀

宿濟河

燭暗人初寂，寒生夜向深。
潛魚聚沙窟，墜鳥滑霜林。
稍作他年計，初回萬里心。
還家祇有夢，更著曉寒侵。

寄晁無斁春懷

稍聽春鳥語，丁寧又見官池出。
斷冰雪後踏青誰與共，
花邊著語老猶能。笑談莫倦尋常聽，
山院終同一再登。今日已知他歲恨，
捨榆况是復飛騰。

九日寄秦少游

疾風迴雨水，明霞沙步叢。
祠欲暮，鴉九日清樽欺白髮。
十年為客負黃花，登高懷遠心如向。
老逢辰，意有加。淮海少年天下士，
可能無地落烏紗。

寄送定州蘇尚書

初聞簡策侍前旒，又見衣冠送作州。
北府時清惟可飲，西山氣爽更宜秋。
功名不朽聊通籍，海道無違具一舟。
枉讀平生三萬卷，禦寒當復敝

貂裘

庚辰三月晚登白門閒望

重門傑觀屹相望表裏山河自一方
小市張燈歸興動輕衫當戶晚風長
孤臣白首逢新政遊子青春見故鄉
富貴本非吾輩事江湖安得遂相忘

和黃預七夕

盈盈一水不斯須經歲相過自作疎
坐待常禽報佳會徑須飛雨洗香車
超騰水即陳錦上收拾愚溪作賦餘
信有神仙足官府我寧辛苦守殘書

次韻李節推九日登山

平林廣野騎臺荒山寺鳴鐘報夕陽
人事自生今日意寒花只作去年香
巾欵更覺霜侵鬢語妙何妨石作腸
落木無邊江不盡浮生此日更須忙

次韻何子溫祈晴

虎節當關信不傳瓣香纔上已回天
驅除霧雨

歷代詩選 宋陳無已 卷三十八 七
還朝日蓄縮波濤復二川奪目光華聞秀句堆
場藁稊驗豐年從今更上中和頌少費將軍九
萬錢

和和叟梅花

百卉前頭第一芳低臨粉水浸寒光卷簾初認
雲猶凍逆鼻渾疑雪亦香鼎實自期終有待天
真不假更勻妝江南望斷無來使且伴詩翁入
醉鄉

雪後

送往開新雪又晴應留勝白待春青稍回杉色
和梅怨併得朝看與暮聽已覺庭泥生鳥跡遠
修田事帶朝星暮年功利歸持律不是騷人故
獨醒

早起

鄰雞接響已三鳴殘點依稀煞五更寒氣挾霜
侵敗絮賓鴻將子度微明有家無食惟高枕百
行千窮只短檠翰墨日疎身日遠世間那得尚
虛名

送王元均貶衡州兼寄元龍

先生秀句滿江東二子緣渠得再窮詩禮向來
堪發冢孫劉能使不為公炎方瘴癘消軒豁故
國山河閱始終傳語元龍要相識江湖春動有
來鴻

絕句

里中餽杏得嘗新馬首相逢始見春勤苦著書
如作吏世間誰是最聞人

絕句

書當快意讀易盡容有可人期不來世事相違
每如此胸懷百歲幾曾開

石倉十二代詩選

宋詩卷之三十八

終

國山
來鴻

絕句

聖中餞杏得

華城此賦對百

書當外意請

石倉十二代詩選

宋詩卷之三十九

茶山集

宋上饒曾 幾撰
明後學曹學佺閱

嶺梅

蠻煙無處洗梅蘂不勝清
顧我已頭白見渠猶
眼明折來知韻勝落去得愁生
坐入江南夢園
林雪正晴

鄧帥寄梅併山堂酒

甓社湖邊路詩筒得報回
舊時雲液酒新歲雨

歷代詩選 卷之三
肥梅不是園官送，真成驛使來。
髮毛都白盡，更著此花催。

雪中登王正中書閣

對雪誰堪語，登樓似欲仙。
人家脩月戶，丈室散花天。
峰疊鈎簾外，江橫隱几前。
寒深落雁渚，清集釣魚船。
解病從摩詰，消愁得仲宣。
展書明細字，烹茗濕疎煙。
月好還同夢，詩成已下弦。
明年倘相憶，爲一到關邊。

喻子才提舉招昌源觀梅倦不克往蘇仁

仲有詩次韻

問君何許看花回，賸說郊垆十里梅。
樹雜古今他處少，枝分南北一齊開。
昌源已辦行厨去，離渚猶煩使節來。
况復蘭亭公所葺，清流九曲要傳杯。

上元日大雪

勾芒整轡浹辰間，雪片相隨大可觀。
挑菜園林有餘閨，燒燈庭院不勝寒。
柳條弄色政爾好，梅蘂飄香殊未闌。
便是落花飛絮去，直疑春事儻

歷代詩選
宋
衰殘

食筭

花事闌珊竹事初一番風味殿春蔬龍蛇戢戢
風雷後虎豹斑斑霧雨餘但使此君常有子何
憂每食歎無魚丁寧下里須留取障日搖風却
要渠

長至口述懷兼寄十七兄

老來逾覺白駒忙眼看重陽又一陽心似死灰
飛不起技如寒日短初長厭看賓客空投謁強

妻孥略舉觴回首山陰酬勸地應憐鴻雁不
成行

壬戌歲除作明朝六十歲矣

禪榻蕭然丈室空薰銷火冷閉門中光陰大似
燭見跋問學只如船逆風一歲臨分驚老大五
更相守笑兒童休言四十明朝過看取霜髯六
十翁

歲盡

漏箭更籌日夜催萬牛那挽白駒回梅花雪片

歷代詩選 宋曾吉父
歲除盡萱草柳芽春鼎來病裏詩書原不讀貧
中樽俎未曾開年光似此真虛擲請以丹心學
死灰

大雨志喜呈高侍御

一夕驕陽轉作霖夢回涼冷潤衣襟不愁屋漏
床床濕且喜溪流岸岸深千里稻花應秀色五
更桐葉最知音無田似我猶欣舞何愧田家望
歲心

謝人送壑源絕品云九重所賜也

三伏汗如雨終朝霑我裳誰分金掌露來作玉
溪涼別甌軟炊飯小爐深炷香麴生何等物不
與汝同鄉

迺姪屢餉新茶

吾家今小阮有使附書頻喚起南柯夢持來北
焙春顧予多下駟况復似陳人不是能分少其
誰遣食新

敕厨羞煮餅掃地供爐芬湯鼎聊從事茶甌遂
策勲興來吾不淺送似汝良勤欲作柯山點當

令阿造分

述姪餉日鑄茶

寶勝自不乏山芽安可無子能來日鑄吾得具
風爐夏木嘽黃鳥僧窗行白駒談多喚坐睡此
味政時須

次韻雪中

積雪何所待凍雲終未開有時聞瀉竹無路去
尋梅只欲關門卧誰能蕩槳來辟寒須底物正
令麴生才

種竹

近郊宜竹樹手植滿庭隅餘子不足數此君安
可無風來當一笑雪壓要相扶莫作封侯想生
成鄙水奴

走筆

市上無佳筆營求亦已勞護持空雪竹束縛欠
霜毫此物藏三穴須公拔一毛不堪髯主簿取
用價能高

巖桂

歷代詩選 宋曾吉父
粟玉粘枝細青雲剪葉齊團團巖下桂表表木
中犀江樹風蕭瑟園花氣慘淒濃薰不如此何
以慰幽棲

曾宏父分餉洞庭柑

黃柑送似得嘗新坐我松江震澤濱想見霜林
三百顆夢成羅帕一雙珍流雲噴霧真成酒帶
葉連枝絕可人莫向君家樊素口瓠犀微齟遠
山顰

荔子

異方風物鬢成斑荔子嘗新得破顏蘭蕙香浮
襟解後雪冰膚在酒酣間絕知高韻傾瑤柱未
覺豐肌病玉環似是看來終不近寄聲龍目漫
追攀

郡中禁私釀巖甚戲作

結交歡伯無他腸小槽竊比願建康此身忽墮
禁酒國何路得到無功鄉官酷快甚夏酌水齊
釀愜于冬顧湯客來且復置是事北焙薦浣春
風香

避寇遷居郭內風雨淒然鄭簡道餉酒

煙雨昏昏二月梅全家避寇寄城隈欲尋碧落
侍郎去遠冰青州從事來令我妻孥爭洗盞想
公伯仲正傳杯安能鬱鬱久居此且傍茶山松
逕回

返魂梅

逕菊庭蘭日夜摧禪房未合有江梅香今政作
依稀似花乃能令頃刻催開笑巫陽真浪下寄
聲驛使未須來爲君浮動黃昏月挽取林逋句

法回

瓶中梅

小窓冰水碧瑠璃梅花橫斜三四枝若非風日
不到處安得石色如許時神情蕭散林下氣玉
雪清映潤中姿陶泓毛穎果安用疎影寫盡無
聲詩

雪作

卧聞惟霰却無聲起看堦前又不能一夜紙窗
明似月多年布被冷于冰履穿過我柴門客笠

重歸來竹院僧三白自佳清亦好諸山粉黛見層層

送倉部呂治先守齊安

齊安剖竹要循良分付吾家坦腹郎騰有江山連赤壁終稀訟獄到黃堂鈴齋晝永宜深念邊瑣秋高合過防此地元之遺烈在風流容易鬢毛蒼

石倉十二代詩選

宋詩卷之二十九

龍雲先生文集序

廬陵郡自歐陽文忠公以文章續韓文公正傳遂為本朝儒宗繼之者龍雲劉公也公諱彛字偉明居安福縣之龍雲鄉文忠薨于穎公方冠不及從之游然斯文未喪何害為韓門籍湜也先是汴京及麻沙刻公集二十五卷紹興初余故人會昌尉羅良弼徧求別本手自編纂增至三十二卷凡六百三十餘篇惟公昔既不壽今復無嗣其姪孫上高尉希高抱遺編而永歎嘉

歷代詩選 序
泰三年賢守豫章胡元衡平一表鄭公之鄉里
訪襄陽之耆舊欲廣其書激厲後學余亟屬羅
尉之子泌繕寫定本授侯刻之頃嘗與鄉人論
公之文如南郊賦氣格近先漢已爲秦陵簡擢
詩書序記在在祖述韓柳間或似之銘誌豐腴
規摹文忠讀者可以自得至于才學出處具載
李彥弼誌銘羅氏跋語皆月旦評之不可易者
也四年六月吉日
少傅觀文殿大學士致仕益國公周必大序

石倉十二代詩選

宋詩卷之四十

龍雲集

宋吉水劉 弁著
明後學曹學佺閱

送方絢解元赴試南宮用桂林一枝爲韻

君王十二閑一一登權竒飽之青玉芻絡以黃
金羈南宮舊冀北雜選追風姿驪驪固神物豈
病孫陽嗤如聞丹桂約暗滿秋風枝

癸酉歲暮壽春道中

有城有城半蕪沒偏強當年開狡窟青韁白馬

成底事。魏得其狗。空凌突。清淮不洗。饕利腸石。
馬崔嵬。化英物。據鞍浩歎。爲踟躕。但見悲風起。
蓬勃。

其二

有客有客。垢髮鬚。羹魁掛鞍。無宿儲。翹心北闕。
比寒藿。他日南山。拋舊廬。逆旅丈人。真脆意。揖
我下牀。邀踞躔。悠悠高門。擊鮮子。萍匏殊。根勿
誚渠。

走筆答郭子隆勾稽

春歸幾何時。綠樹陰已滿。蕭條子雲巷。誰借吹
噓暖。常日雙柴扉。深局顛休澣。稚燕掠翩翩。疎
蟬弄淒斷。擷芳聊自娛。任從食息懶。嶷嶷棲鸞
郎。蝸居間三款。兒童憚逢迎。應客事謾誕。謝絕
高軒榮。祗增鼯鼠短。賴君不吾靳。慙慙接閭侃。
酸然梅雨天。煩襟斗滌浣。

送李侯朝散還任

西山閱今昔。章水弄清泚。雲岬插天半。滕閣中
隱起。青鴛千萬家。湖光豁如洗。鍾陵一都會。信

歷代詩選 卷四十一
亦非偶爾君來無幾何所得已倍蕪笑談送白日
慷慨拾遐軌成詩殆百篇天籟落凡耳事竣
告還朝相送情難已悲歌一再行杯觴覆蒼翠
秋標拔孤雲鴻雁思吾子

石廊洞

君不見仙家三十六洞天西南大半盤蒼巔此
外元陽擅嶄絕况有石廊人喜傳碧蓮參差隅
鮑湧徙倚危梯飛蠅蝮陰陰洞戶半空開一縷
聯凹愁寄種萬鈞崔嵬挂礪石吁可惟兮若飛

動天然漱面尋丈間寒掬初慳媪神捧紫厓蒙
茸瑤草秀懸泉涓涓挹天酒淑靈豈卽乾坤私
窟宅宛是神仙舊飛鳥點影陽光回遊子履深
驚殷雷九夏三冬自回幹雨暘寒燠爭喧厖神
物奄有似無調突兀古廟當巖隈颺颺笑舞助
惟變落日愁絕松風哀瞰臨一方殆天意累露
之疑此其是仙乎仙乎胡不歸恐使秋燐泣陰
鬼

人日

歷代詩選 宋劉韋明
去年人日螺江邊。今年人日在通川。故家浩蕩
五千里。客子騷屈心茫然。霜蘆盡解故時葉。生
意陡爾歸蘭荃。海風如刀冰塞渡。欲航野水雪
暗天。他鄉信美非吾土。香草悅魂真浪傳。南冠
故聲秣操楚。劉章雅志惟歌田。五秉如單費廩
粟。一囊就盡持殮錢。顛毛冉冉不吾與。齒根浮
動輕于翮。小雀誰言畏死鷄。未肯屈折同梧捲。
章貢直西三徑在。爾來望眼欲成穿。科桑洗竹
真吾事。孰使齷齪纔克員。何時解得無拘束。歸

分潭頭楓葉編

送刑清臣赴左選

泊舟梅林浦。解纜墨潭灣。層波日日生。雙槳那
得閒。龐眉青翰客。相與春風還。江梅吹欲盡。所
柳未勝攀。無以持贈君。對君成強顏。官况更新
好。晚步非間關。直北清夢多。半落夷門山。慙慙
尺素語。勿爲魚鴻慳。

宿法藏禪院

斜河左界懸朱提。冷燼掠天螢糝飛。高梧泣液

歷代詩選 卷四十一 四
涼參差前村後村烏夜啼雕甍繡栱絕坤維知
自在世張禪扉有睨釋子龐兩眉清楚一聲捕
翠微亂我心曲天之涯寂歷故感迎新悲歸歟
誰是真忘機獨鹿水深愁濁泥

憶黃天倪

遊絲罥空生別愁我車欲駕羌無軸驚風吹花
濺紅雨天脚空隨江水流思君度日倚高閣時
把長懷寄寥廓青春九十行過半白日西在看
時落古人不願身後名但願生前一杯酌安得
此身生羽翰高騫便似追飛鶴

村南

村南行吟踏新場馬乘欵段壺懸漿稼如濃雲
穠含黃柿葉亞枝收趁霜臘團雞髀盤餚香簫
鼓下神巫正狂呼兒往問當墟娘清美何如顧
建康

安成道中作

故家楚尾隣三湘粗有晴地麻與桑利機未判
身輕嘗生涯寄將一葉上歸釣頰尾秋滄浪

其二

翠篠娟娟棲暗芳半隱半見誰門墻分曹戲兒
疑雁行今我垂垂老境逼竹馬鳩車憐汝狂

夜歎

丹鳥白鳥爭吞吐還雲去雲無定度不無夏簟
工熨體况有秋醬競扶戶一嘅三嘆詎如許客
思紛紛野煙縷宵明景晏掛斜河叢萱苒蕪團
清露有美一人在西方白玉珮環珠兩瑤明眸
皓齒艷朝陽企予望汝涕滂皇安得鵲汝羅衣

家

畏日

畏日慘慘天西隅半規御山我僕痛招提訪尋
數里近牛羊斷續前村孤揚塵動滿垢膩瓜好
風不借清涼軀口送長雲下碣礪驚亂愁對陂
陰湖

杉溪驛

竹巖杉溪道路長道邊古驛開蒼茫分流溪水
薄枉渚挨石人家環上方王程星火何時歇霜

冬草樹芸其黃去來今昔幾男子姓字喧傳兩女郎

北禪水閣走筆

西風涼客衣弭楫滄江濤晚吾事瀟灑聊復此
登臨雲容不礙秋清樾有餘陰煩心洗東波寸
目明遙岑樊籠脫鳥窟搖落弔蛩吟莽墟閱今
昔長慨撫孤鐔故楚冠劍盡物情幾浮沈懷哉
歲將月無爲空滯淫持語朱陵翁須以早抽簪

感遇

嫵媚誰家子粲粲生輝光弄姿俯春蘭臨風振
微芳秋水揚清臚白玉雙明璫問渠家何許笑
指南山陽去去不輟軌恍若遊雲翔遙看入縹緲
明月斷人腸

其二

富貴苦不常倏忽移易人青門聚瓜客曾是故
侯身金鏡失秦家中原駭煙焚屠狗販鱸子閭
閣排氤氳一逢泗水公濯鱗清滄濱信知天地
間虛橐鼓遊塵冥中有神力呼吸旋峨岷小兒

善播弄挈故還趨新得失定有寄無爲喪吾真

其三

疾雷疑車音出門乃知非抱影長自明流螢點
霜幃羅帶翦秋水黃金縷春衣持看清夜闌愁
非故時輝食葵心知傾茹蠟腸虛肥纂纂棗棗下
歌惜此歲月違因聲勸語儂勿復遲遲歸

秋日儀真卽事

秋風來從越天末痛洗玻璃出明月雲罍隱起
玉龍眠下有春容萬濤雪獨賣之綸歆一葉半


欲折
西老漁棹歌發客心寸許了無多底事臨風吹

其二

客從南來一何癯烏紗不屋非縵胡散堆亂帙
覘牛鑿穿冗殫殘真蠹魚尋撞雖上亦未計立
仗不鳴甘豆芻昔人舉肥我今爾安得外澤如
瓠壺

持釣

艇子悠揚打雨來裊絲越箭青玫瑰昨聞古湫



新雨足漲波泛入西溪來西溪兩岸行人少白鷺對翹佳客陪低雲弄嬌不成去半與枉渚相縈迴藻間頰尾厠銀鯽正爾作羣爭曝腮故應沈餌得所置行醉甕間新熟醅

宿長山寺

蒼山兩蟠虬傑勢分天矯不緣事幽尋茲地終難到破暝紫煙生寫谷清樾好村長下牛羊雲綻入歸鳥松風卷孤磬夜半秋聲小客懷方未央千里漫白道庭樹一鳥驚愁看楚天曉

遊麻姑觀用黃道士韻

鳥道參差掛空白雲林曾是飛昇迹漫論滄海復揚塵已識秋杉老岑寂玉駕斑龍飛九色古殿崔巍遺石刻會須揖彼丹丘人掇拾顏年茲偃息

蔣沙莊居

他日蓬蒿地吾廬瓦數溝井泉甘勝乳庭竹冷先秋村巷時情淡田疇歲計優荆扉論日掩最喜近松楸

其二

黃嶺虹腰抱，鰲山負復橫。
中非避世士，稍亦畏時名。
傍晚澆慵酒，尋春濯足行。
雞雛嬌底死，犢子健能生。

其三

晴屋鳴鳩婦，春陂翳雉媒。
筋頭甘野蕨，鋤力到陳芟。
掠水千艘健，橫風一笛哀。
最憐雙白鳥，解事等閒來。

其四

名愧周繁弱，材非魯孟勞。
蛙仍當鼓吹，徑任沒蓬蒿。
紫芋新厨味，黃蜆馥鱸刀。
業詩何水部，耽酒阮兵曹。

其五

劉宗墳墓國，金水眇榮回。
颺颺鴉巢覆，疎疎槿戶開。
春風持贈柳，臘雪試粧梅。
欲識塵埃少，元無俗物來。

莆田雜詩

清樾陂陀外，春深四五家。
叢祠下簫鼓，平楚暗

歷代詩選 卷四十一
桑麻水國潛蚪傲天程去鳥賒仙山仍在目瀟
灑送生涯

其二

梅雨催農鋤癡風泣海檣魚龍波浪濶燕雀戶
庭涼鱗柱春剗玉螭山夜鑿霜家園兩痕淚早
晚促吾裝

其三

梅井經疏鑿如聞自昔人玉奩深貯月雲乳暖
藏春桐葉誰新汲葵芽好問津端堪事杯酌冷

汰客襟塵

其四

鸚鵡青春晏鸚鵡白社驕掠風雛燕翼界雨晚
虹腰醲醲銀牀瀝茸茸紫澗苗到家幸無苦浦
淑有回潮

其五

鶴唳歸雲急龍移過雨腥桂清飄月岫槎老叶
煙汀洞失壺公舊雪傳妙應靈不緣幽事隔小
復理篁簾

其六

道東無際海萬水自朝宗
沃日纔分燭浮天亦
盪胃吐吞何楚越冗長到魚龍
好在乘桴客吾
安議適從

早發赴蒙縣

草露垂垂白溪泥脚脚深
槿籬藏吠犬桑翳漏
棲禽食七驚浮世鞭梢度寸陰
利名無計得寧
是死灰心

試院次韻奉酬趙達夫記室惜春之什

風酣雨軟裊簷絲端負吾人痛飲師
使者嶺梅
傳信遠王孫芳草怨歸遲
釀成紫府無端夢開
到朱欄第幾枝欲問東君挽流轉
顛狂好在曲
江詩

清真觀步翠閣

飛梯倒插玉蟠螭危欄別刻青芙蓉
送涼野水
舊涵竹借色春山擬滴裾
王喬過鳧可坐揖蕭
史鳴鳳徒紛如眸子欲酸跂予望
弔世清淚橫
方諸

九曲池

昔帝檣烏下日邊曾留清蹕此蹢躅魚龍窟暗
浮春漲鳧雁行低破暝燵星閣摧頽空歲月蕪
城埋沒舊山川後庭一曲陳家破更看當年水
調傳

江館

山川定出書意外魚鳥自閒眠對峙艇子黏天
歸一葉濤頭吹雨落千麾截波尚欲論孤劔應
客初慙乏大兒聽得漁郎隔溪語夜來秋色暗

江籬

建州試院次韻和林源叔監試

鷺袍粉白筆摩秋餘地爭看衆亦游堅壁賴公
專細柳得壺如我愧中流僕姑此日先穿札綠
綺何心曉報鏐恰恰豐隆通蟄戶論功相與副
芻求

春日送簽判陽承議

春山野思萬千重那更江頭來送公別淚滴流
紅杏雨離情搖曳綠楊風一枝易遶南飛鵲隻

字難憑北塞鴻惟有感恩情不斷夜深長入夢
魂中

春日舟中即事

不應門有北堂親肯泛孤舟瘴海濱萬里江湖
愁去客一春風雨厭行人花朝水國留題懶月
夜鄉園入夢頻每被煙波驚破膽却思雲石自
由身

三用前韻酬達夫

花氣曛曛活逼樓十分大白直須浮自憐短髮
如煙薄敢買鈿車貯莫愁

其二

柳挽花牽獨自狂鼓催鐘趁幾人忙重城特解
春將閉時放紅英笑女牆

其三

驕棘重關不自由橫將匏繫代萍流飛絲莫罨
林塘興留與騷人作四愁

鄧縣君挽辭

九原秋草沒麒麟哀挽黎明出問津花魄欲招

誰些楚蕭聲先斷客愁秦冢間白鶴空雙舞天
上黃姑定卜隣哲哲目存成底事空餘粉墨逼
天真

石倉十二代詩選

宋詩卷之四十終

秋聲集叙

聲於天地間不能無也其大者雷霆也風雨也
其次通之為語言和之為律呂下至特禽候蟲
莫不有聲獨秋聲或有或無歐陽子謂聲在樹
間猶假物以為言也莊生所謂天籟在天不在
物也夫秋之為氣也寥闐而清寂寞而虛清與
虛相薄或能有聲或能無聲不能必其有無然
則秋聲亦天地間不能無者也余少學唫不能
無聲大之不能為雷霆風雨次之不能為語言

律呂時禽候蟲又有所不屑為者故託而自附於秋聲焉秋聲可有可無余言亦可有無故錄之以為秋聲集庶童子能聽之否乎秋聲子自叙

黃鎮成字元鎮昭武人自幼刻苦嗜學篤志力行隱居著書恬於仕進部使者屢薦不應最後用執政奏授江西路儒學提舉命下而卒矣集賢定號曰貞文處士郡守祠于學宮臨川危素誌其墓所著周易通義十卷尚書通考十卷中庸章指二卷性理發蒙四卷行于世有詩文雜著題曰秋聲集

秋聲集叙 終

石倉十二代詩選

宋詩卷之四十一

簡齋集

宋葉縣陳與義著

明後學曹學佺閱

試院春晴

今日天氣佳忽思賦新詩春光挾晴色併上桃
 花枝白雲浩浩去天色青陸離餘霏遇晚日彩
 翠紛新奇天公出變化驚倒癡絕兒逶迤或耐
 久美好固暫時平生一枝筇穩處念力衰澹然
 意已足却赴青燈期

休日早起

隴隴窗影來稍稍禽聲集開門知有雨老樹半
身濕劇讀了無味遠遊非所急蒲團著身寬安
取萬戶邑開鏡白雲度捲簾秋光入飽受今日
閒明朝復羈縻

夜步堤上

旋買青芒屨去踏沙頭月爭教冠蓋地著此影
突兀樹寒栖鳥動風轉孤管發月色夜夜佳人
生事如髮夢中續清遊濃露濕銀闕

題唐希雅畫寒江圖

江頭雲黃天醞雪樹枝慘慘凍欲折耐寒野鴨
不知歸猶向沙邊弄羽衣黃茅終日不自力影
亂弱藻相因依惟有蒼石如卧虎不受陰晴與
寒暑舟中過客莫敢言閒伴長江了今古

渡江

江南非不好楚客自生哀搖櫂天平渡迎人樹
欲來雨餘吳岫立日照海門開雖異中原險方
隅亦壯哉

連雨書事

九月逢連雨蕭蕭穩送秋龍公無乃倦客子不
勝愁雲氣昏城壁鐘聲咽寺樓年年授衣節牢
落向他州

寒食

草草隨時事蕭蕭傍水門濃陰花照野寒食柳
圍村客袂空佳節鶯聲忽故園不知何處笛吹
恨滿清樽

雨

沙岸殘春雨茅簷古鎮官一時花迸淚萬里客
憑欄日晚薔薇重樓高燕子寒惜無陶謝手盡
可破憂端

晚步

畎畝意不適出門聊散愁雨餘山欲近春半水
爭流衆籟夕還作孤懷行轉幽溪西篁竹亂
徑雜歸牛

雨

雲物淡清曉無風溪樹閒柴門對急雨壯觀滿

歷代詩選 卷四十一 三
空山春發蒼茫內鳥鳴篁竹間兒童笑老子衣
濕不知還

雨思

小閣當喬木清溪抱竹林寒聲日暮起客思雨
中深行李妨幽事闌干試獨臨終然遊子意非
復昔人心

雨中

北客霜侵鬢南州雨送年未聞兵革定從使歲
時遷古澤生春靄高空落暮焉山川含萬古鬱

鬱在樽前

將次葉城道中

荒野少人去竹輿伊軋聲晴雲秋更白野水暮
還明寂寞信吾道淹留諳物情王喬有餘舄借
我一東征

宿資聖院閣

暮投山崦寺高處絕人羣遠岫林間見微泉舍
後聞閣虛雲亂入江濶野橫分欲與僧爲記今
年懶作文

道中寒食二首

飛絮春猶冷。離家食更寒。能供幾歲月。不辦了
悲歡。刺史葡萄酒。先生苜蓿盤。一官違壯節。百
慮集征鞍。

丰粟淹吾駕。浮雲笑此生。有詩酬歲月。無夢到
功名。客裏逢歸雁。愁邊有亂鶯。楊花不解事。更
作倚風輕。

連雨書事

風伯方安卧。雲師亦少饕。氣連河漢潤。聲到竹
松高。老雁猶貪去。寒蟬遂不號。相悲更相失。滿
眼楚人騷。

試院書懷

細讀平安字。愁邊失歲華。疎疎一簾雨。澹澹滿
枝花。投老詩成癖。經春夢到家。茫然十年事。倚
杖數棲鴉。

春雨

花盡春猶冷。羈心只自驚。孤鶯啼永晝。細雨濕
高城。擾擾成何事。悠悠送此生。蛛絲閃夕霽。隨

處有詩情

岸幘

岸幘立清曉山頭生薄陰亂雲交翠壁細雨濕
青林花落客心碎鳥啼春意深窮鄉愁節換時
得一閒吟

雨

雲起谷全暗雨晴山復明青春望中色白澗晚
來聲遠樹身羣集高原人獨耕老夫逃世日堅
坐聽陰晴

晚晴野望

洞庭微雨後涼氣入綸巾水底歸雲亂蘆叢返
照新遙汀橫薄暮獨鳥度長津兵甲無歸日江
湖送老身悠悠兼倚杖悄悄自傷神天意蒼茫
裏村醪亦醉人

年華

去國頻更歲爲官不救飢春生殘雪外酒盡落
梅時白日山川映青天草木宜年華不負客一
一入吾詩

金潭道中

晴路籃輿穩舉頭閒望賒前崗春泱泱後嶺雪
槎牙海內兵猶壯村邊歲自華客行驚節序回
眼送桃花

別呂伯恭

樽酒相逢地江楓欲盡時猶能十日客共出數
年詩供世無筋力驚心有別離好爲南極柱深
慰旅人悲

感事

喪亂那堪說干戈竟未休公卿危左袵江漢故
東流風斷黃龍府雲移白鷺洲云何舒國步特
底副君憂世事非難料吾生本自浮菊花紛四
野作意爲誰秋

聞王道濟陷虜

海內堂堂友如今在賊圍虛傳袁盎脫不見華
无歸浮世身難料危途計易非雲孤馬息嶺老
涕不勝揮

過孔雀灘贈周靜之

歷代詩選 卷四十一
海內無堅壘。天涯有近親。不辭供笑語。未慣得
慙懃。舟楫深宜客。溪山各放春。高眠過灘浪。已
寄百年身。

蠟梅

智瓊額黃且勿誇。回眼視此風前葩。家家塗黃
作杏帶。歲歲逢梅是蠟花。世間真偽非兩法。映
日細看真是蠟。我今嚼蠟已甘腴。况此有韻蠟
不如。只愁繁香欺定力。薰我欲醉須人扶。不辭
花前醉倒卧。經月是酒是香君試別。

次韻富季申玉簿花

東風知君將出遊。玉人迥立林之幽。歌墻數苞
乃爾瘦。中有萬斛江南愁。君哦新詩我聽熒。句
裏無塵春色靜。人人索笑那得禁。獨爲君詩起
君病。欲語未語令人嗟。桃李回看眼底沙。同心
不見昭儀種。五出時驚公主花。典衣重作明朝
約。聊復寬君念歸洛。笛催疎影日更疎。快飲莫
教春寂寞。

送王周士赴發運司屬官

寧食三斗塵有手不揖無詩人寧飲三斗醋有
耳不聽無味句墻東草深蘭發薰君先夢我我
夢君小窓誦詩燈花喜窓外北風怒未已書生
得句勝得官風其少止盡人歡五更月暈一千
丈明日君當泛淮浪去去三十六策中第一買
酒麈北風

立春雨

衡山縣下春日雨遠映青山絲樣斜容易江邊
欺客况分明沙際濕年華竹林路隔生新水古

渡船空集亂鴉未暇獨憂巾一角西溪當有續
開花

觀雨

山客龍鐘不解耕開軒危坐看陰晴前江後嶺
通雲氣萬壑千林送雨聲梅壓竹枝低復舉風
吹山角晦還明不嫌大地無乾處正要羣龍洗
甲兵

送客出城西

鄧州誰亦解丹青畫我羸驂晚出城殘年政爾

歷代詩選 卷四十一
供愁過末路那堪送客行寒日滿川分衆色暮
林無葉寄秋聲垂鞭歸去重迴首意落西南計
未成

清明

雨晴閒步澗邊沙行入荒林聞亂鴉寒食清明
驚節序暖風遲日醉梨花書生投老玉官谷壯
士偷生漂母家不用鞦韆與蹴鞠只將詩句答
年華

對酒

陽留春色撩詩思一日搜腸一百迴燕子初歸
風不定桃花欲動雨頻來人間多待須微祿夢
裏相逢記此杯白竹屏前容醉舞煙光渺渺望
高臺

以事走郊外示友

二十九年知己非今年依舊壯心違黃塵滿面
人猶去紅葉無言秋又歸萬里天寒鴻雁瘦千
村歲暮鳥鳥微往來屑屑君應笑要就南池照
客衣

歷代詩選

龍門

不到龍門十載強，斷崖依舊立斜陽。
金銀佛寺浮佳氣，花木禪房接上方。
羸馬乍來還竟去，流鶯多處最難忘。
老僧不作留人意，坐水看山白髮長。

登岳陽樓

洞庭之東江水西，簾旌不動夕陽遲。
登臨吳蜀橫分地，徙倚湖山欲暮時。
萬里來遊還望遠，三年多難更憑危。
白頭吊古風霜裏，老木滄波無

限悲

除夜

城中爆竹已殘更，朔吹翻江意未平。
多事髭毛隨節換，盡情燈火向人明。
比量舊歲聊堪喜，流轉殊方又可驚。
明日岳陽樓上去，島湖煙霧看春生。

元日

五年元日只流離，楚俗今年事事非。
後飲屠蘇驚已老，長乘舴艋竟安歸。
携家作客真無賴，學

歷代詩選

宋陳去非

卷四十一

十一

長

歷代詩選 卷四十一
道剝心却自違汀草岍花知節序一身千恨獨
霑衣

雨晴

天缺西南江面清纖雲不動小灘橫
墻頭語雀衣猶濕樓外殘雷氣未平
盡取微涼供穩睡急搜奇句報新晴
今宵絕勝無人共卧看星河盡
意明

懷天經智老因以訪之

今年二月凍初融睡起若溪綠
向東客子光陰

詩卷裏杏花消息雨聲中西庵禪伯還多病北
柵儒仙只固窮忽憶輕舟尋二子綸巾鶴氅試
春風

寓居劉倉廨中晚步過鄭倉臺上

紗巾竹杖過荒陂滿面春風二月時
世事紛紛人易老春陰漠漠絮飛遲
士衡去國三間屋子美登臺七字詩
草遶天西青不盡故園歸計入
支願

重陽

歷代詩選 卷四十一
去歲重陽已百憂。今年依舊歎羈遊。籬底菊花
惟解笑。鏡中頭髮不禁秋。涼風又落宮南木。老
雁孤鳴漢北州。如許行年那可記。謾排詩句寫
新愁。

舟行遣興

會稽尚隔三千里。臨賀初盤一百灘。殊俗間津
言語異。長年爲客路岐難。背人山嶺重重去。照
鷓梅花樹樹殘。酌酒拖樓今日意。題詩船壁後
來看。

次韻尹潛感懷

胡兒又看遶淮春。歎息猶爲國有人。可使翠華
周寓縣。誰持羽扇靜風塵。五年天地無窮事。萬
里江湖見在身。共說金陵龍虎氣。故臣迷路感
煙津。

眼疾

天公嗔我眼常白。故着昏昏阿堵中。不惟叅軍
騎瞎馬。但妨中散送飛鴻。著籬令惡誰能對。損
讀方奇定有功。九惱從來爲佛種。會知那律證

圓通

秋夜

中庭淡月照三更白露澄空河漢明莫遣西風吹葉盡却愁無處着秋聲

清明

街頭女兒雙髻鴉隨蜂趁蝶學妖邪東風也作清明節開徧來禽一樹花

石倉十二代詩選

宋詩卷之四十一

石倉十二代詩選

宋詩卷之四十二

盱江集

宋建武李觀著

明後學曹學佺閱

流杯池

幽居久不樂心死如濕灰聞言山有池仙客曾流杯披衫向西坐欲望無崇臺何當命遊宴盡聚不羈才顧恐狹隘地未足開吾懷仰手斲河漢決向天南來移舟復轉嶽壅遏成環迴橫持北斗柄量盡酒星醅箕踞接下流一軟空千巘

歷代詩選 卷之五
八風助吟唱萬恠供嘲諧醉來散髮卧蠅聲視
霆雷冷笑勢利子茫茫塵土堆

獲稻

朝陽過山來下田猶露濕餉婦念兒啼逢人不
敢立青黃先後收斷折偃僂拾烏鼠盈官倉新
租喜復入

寄懷

鳥獸死有用羽角筋革齒輦輓入工師飾作軍
國器玉食白如瓠瞑目已腐穢生者不敢留埋
藏與螻蟻百年富貴身孰若鳥獸類惟有令人
名終古如不死

其二

根生但爲松翼飛但爲鳳王侯尚可輕道義本
來重癡兒似婢妾寸步矜恩寵傍人忍笑時佯
把衣袂弄

江亭醉後

平生尚倜儻壯大苦摧折主人能結納佳境爲
鋪設渺瀰東江來谿衍暮雲裂倡女稍多藝市

歷代詩選
卷四十二
酒且供啜俠氣復何聊心朋幸相悅解冠從放
蕩大呼誰輓掣咄哉不里足嗟呼三寸舌艷唱
聲非雅戲譚理當謫帷笑私昵閭巷嘲瑣屑
更鼓莫催睡夜風纔去執一鮮大志于今重
小節內行豕在泥外貌犬吾儕古英豪方
寸浴日月被謗肯自疑爲歡顧猶拙放飯彼不
慙使我無齒決

美女篇

繁霜毒春木花開苦不早愚天擇利婚美女貧
中老曷不治顏色門前車馬道閨房有禮文自
銜誰言好俗態競朱粉古心慕蘋藻所期君子
恩卒以慰枯槁

竹齋題事

低齋結空野小竹移孤林齋間竹淨好日媚幽
人心南方夏厭暑獨此留殘陰憂雨挫殘夢穿
風搜涼襟長茵展麗蘚亂歌奏歡禽待奴畏村
服語客拋塵簪志高成利讐思爽生詩淫值聖
喜盈卷感古悲入琴山迎穩履遠月勸澄杯深

榮名雖未染幸亦非堙沈

愁熱

江湖限南鄙秋令到還稀
節換空看歷人間未趁衣
齊紈方得意厦燕莫言歸
祇有松筠徑風高暑氣微

鑑湖夜泛

明月到樽前拏舟古岸邊
亂山斜入霧遠水倒垂天
酒氣薰龍戲歌聲弄鶴眠
迴頭嗤李郭此外更無仙

閒居

無物可勞情空郊日閉扃
雨吟春破碎貧飲客凋零
世事重江險才名一夢醒
同心祇松柏見我尚青青

送張巖叟

人意皆懷土嗟君無故園
欲行須盡室此去又他門
靜裏文章好貧來節行存
振淹知有日倚伏豈虛言

寄題廖說蒙亭

聖人雖在上。君子有窮時。自得山居樂。何須世俗知。夜多松月分。涼與水風期。只恐亨通去。清閒却付誰。

遠山

最能牽病眼。天際一山橫。盡日是秋色。無人知地名。暗時雲自合。缺處路應平。才子霑衣淚。千秋共此情。

哭女

妻死女已病。踰年成二喪。此生誰骨肉。未識好

衣裳。看面雖愁小。聞言盡可傷。最知憐祖母。句句刮人腸。

寄題鄒氏延壽亭

一世躋仁壽。君今更欲延。山中想無事。分外得長年。松老多經雪。雲閒不到天。區區殉名者。廻首倍凄然。

感秋

徙倚重咨嗟。非緣惜歲華。關山異鄉客。砧杵別人家。天冷雲含日。溪清水獻沙。屈魂終不返。悲

思更無涯

次韻答陳殿丞

不能隨薄俗，非是向深山。
自喜道無屈，所嗟心未閒。
酒鄉貧更入，詩債病猶還。
一字成虛美，通宵只厚顏。

讀趙氏淳化詩集

少年曾誦習，誤認古人詩。
風雅世不重，姓名誰得知。
高情如隱者，薄宦過明時。
地下尋才鬼，應逢陸與皮。

送李侍禁

三載野江上，軍和盜亦殲。
事煩終不倦，貧極始知廉。
別袖揮寒日，歸舟載夜蟾。
懋功宜有賞，天意在官占。

寄周寺丞

我愛南豐宰，天資舉措奇。
上官如不怒，善政有誰知。
賦役貧中減，鞭笞曠處施。
邑人多未悟，去後始應思。

怡山長慶寺

歷代詩選
卷之七
行行金碧裏氣象悅如春不記來時路自嫌衣
上塵院香知有佛僧靜似無人十載京華夢相
逢一度新

書樓夏晚

地僻無他管樓危有剩涼遠流通越派殘日共
秦光鳥道頑雲黑人家病葉黃高情夢箕穎閒
景畫瀟湘山藥香多桂漁歌濁少商太平知可
喜何者是簪裳

悶書

行行四月晦締絡未能裁天氣疑無定春寒恐
再來襲衣從汗浹交扇取風回野秀深成候鑑
薰冷作媒年高情已淡俗薄意多猜李杜今何
在芳樽誰與開

少年

新翻曲調恐人傳不許高聲唱玳筵金獸也嫌
春態淺向風噴作綠楊煙

柳枝答

春早寒餘豈足哀平生多難愧非才去年二月

歷代詩選
宋李太白
都城裏曾共花房帶雪來

烏鵲

烏鵲翩翩競羽毛南飛無樹過良宵就中管得
他人事祇與天孫倩作橋

睡起

簾卷鱗紋帳繫紗六龍西降樹陰斜祇應夢裏
成蝴蝶猶記南園數種花

憶錢塘江

昔年乘醉挂歸帆隱隱前山日半銜好是滿江

流返照水仙齊著淡紅衫

送僧遊廬山

行非爲客住非家此去廬山况不賒要見南朝
舊人物池中惟有白蓮花

戲題荷花

昔人詩筆詠蓮花不嫁春風早可嗟今日倚欄
添懊惱池臺多是屬僧家

送春寄呈祖袁州

去年春盡在宜春醉送東風淚滿巾今日春歸

履什詩選
宋李泰伯
倍惆悵相逢不是去年人

早起有懷

草草西風動葛衣呼童前啓竹間扉山僧入定
鐘聲晏社戶多貧酒氣微豈是客愁渾較可祇
因書卷解忘歸肝江百里清無滓枉屬閒人坐
釣磯

南齋咏風

懊惱南窓一道風只應天醜與貧窮不歸羅綺
飄飄處故入松篁冷淡中久座披襟塵榻穩半

爾吹面月帷空城邊茵替知多少偷得清香
爾功

殘葉

一樹摧殘拾作薪欄邊爲汝最傷神休翻雨滴
寒鳴夜曾抱花枝暖過春影裏有情惟日月愁
邊無主足泥塵上陽宮女多詩思莫寄人間取
次人

早夏偶作

閒愁不覺過年光強半精神似醉鄉幾度雨來



歷代詩選 卷四十二 九
成驟熱有時雲斷見斜陽。古人事業塵空滿。故
國園林草自長。賴得南華憐我病。一篇齊物勝
醫方。

次韻答史太博

驛使將詩訪遠山。發函寧暇正衣冠。秦城未割
難論價。燕谷纔吹已不寒。佔畢有心忘老至。惰
農無罰賀恩寬。一枝數粒惟知分。豈是明時學
考槃。

逢屋

長簷數尺庇堂東。疎漏從來只有逢。日影碎如
秋樹下。雨聲初似夜船中。竹經蠹後多垂地。筴
到乾時半捲空。此處想非人所競。江湖終是屬
漁翁。

野意亭

福塘城郭掌中窺。旭日登臨到落暉。誰在畫簾
沾酒處。幾多鳴櫓趁潮歸。晴時海色依稀辨。醉
後鄉愁積漸微。山鳥不知紅粉好。纔聞歌板便
驚飛。

靈源洞

纔出塵來尚未知，漸攀藤竹漸臨危。伏流似是
龍藏處，古樹應無春到時。誰把石厓齊刻削，直
教雲氣當簾帷。良工畫得猶宜秘，莫與凡夫肉
眼窺。

和王刑部遊仙都觀

尋幽西去路非賒，回首紅塵事可嗟。不待鸞駮
奔鶴駕，便分人世與仙家。幾函道藏金壹墨，一
片秋容玉井花。還似武夷高會日，凡胎猶幸醉

流霞

和遊丹霞有懷歸之意

暫時來訪道家流，肯伴煙蘿滯一丘。爲意長安
瞻日下，欲尋蓬島向鰲頭。陶潛醉後踞眠石，王
粲憂多更上樓。宣室歲餘虛席在，青山何路更
重遊。

石倉十二代詩選

宋詩卷之四十三

石倉十二代詩選

宋詩卷之四十三

盤洲集

宋鄱陽洪适著

明後學曹學佺閱

行行重行行

行行重行行。南北各倦遊。昔人重離別。一日嗟
 三秋。如何三秋暮。相見尚悠悠。方寸正紆軫。何
 以寫我憂。仰瞻衡漢移。俯對蘭菊遂。臭味雖云
 同。光塵若爲異。迴風淒且發。飄我別時袂。欲知
 長相思。披衣不勝體。

歷代詩選

青青河畔草

青青河畔草，
英英籬邊菊。
雅雅當窓女，
濯濯手如玉。
淵淵錦中意，
粲粲未盈幅。
藁砧天一涯，
刀頭誤行卜。
卻鑑怨新眉，
誰教遠山綠。

明月皎夜光

明月皎夜光，
瑟瑟扇商籟。
衡紀直西嚶，
雲章斜左界。
感彼林薄凋，
歲律倏云邁。
蜻蛚誰汝憐，
淒淒鳴戶外。
昔我耐久朋，
著鞭道方泰。
尉藉繒綳輕，
金蘭舊盟改。
東井不及泉，
須女無儔配。
君看

賈公綦白頭愧傾蓋

冉冉孤生竹

冉冉孤生竹，
成陰幽谷中。
聿來君子室，
葛藟施喬松。
喬松千百尋，
攀附猶可窮。
思君江水深，
褰裳難往從。
同心而偏棲，
愧彼摩霄鴻。
灼灼芙蓉花，
凌波媚芳風。
非不努力愛，
秋至無歸鴻。
昔盟儻不寒，
誰歎久西東。

迢迢牽牛星

迢迢牽牛星，
奕奕停梭女。
尋盟整瑤轡，
緘情遵

歷代詩選
漢渚欣讌未斯須別愁眉已度黃月不我留殘
機忍重顧翻羨巫山雲朝朝楚王遇

明月何皎皎

明月何皎皎舒光瑩窓綺宛轉羞空牀披軒步
庭際故愛同一心新愁今兩耳咫尺相會難迢
迢若千里况復千里隔憂端無窮已

海棠花

雨濯吳粧膩風催蜀錦裁自嫌生較晚不得聘

寒梅金城記黎舉常云欲令梅聘海棠棧子臣
櫻桃及以芥嫁筭但恨時不同然牡丹除

楊梅桃
把書為友

宿佛窟寺

籃輿登佛窟高閣望中清古木爾許蔭飛泉無
限聲雨消今日暑雲作晚來晴獨對青山久相
逢如有情

交翠亭

政和丙申家君主寧海簿明年作交翠
亭是秋而某生後二十有八年某來貳
郡事踰年行縣至此感舊遂賦詩

三十年中事，鸞棲築一亭。寒聲長新籥，清悶拂疎櫺。水轉前時綠，山濃遠處青。重來勤問訊，此別記秋螢。

次韻蔡瞻明江樓秋晚

斜照穿林迥，歸雲斂岫遲。蝸文寒壁篆，蛛巧暮簷絲。待月是愁處，對山無倦時。掀髯阻談綺，細讀寄來詩。

國清寺

紺宇今方盛，名知國已清。

李邕寺記云：智者嘗當夢定光日寺，若成國。

必清因以為名

萬松九里影，雙澗四時聲。杖策將窮覽，

巾車不計程。登堂山更好，人去曉猿鳴。

光老作更好堂

方成而有旨，移住靈隱時丈室，未有繼之者。

寒巖寺

峭壁插青冥，層巖覆化城。空中清磬發，幽處慧燈明。萬瓦足雲氣，四簷無雨聲。豐干不饒舌，此地孰知名。

曉發秦安驛

秋夢不能曉，起行山徑迷。小車驚宿鷺，列炬誤

鳴雞冷覺霜華重。光瞻斗柄低。金庭有佳處。芳
桂想幽棲。

送范子芬赴浙東機幕

男兒三十富春秋。况是才華出輩流。傳家不墮
右丞相。入幕少佐東諸侯。梅花頗惜詩人去。草
色正牽行客愁。修禊蘭亭訪陳迹。應懷同醉仲
宣樓。

次韻程觀過

山城寂寂簿書稀。梅際春風一夜歸。忽喜烹魚

中有得恍然揮塵久。相違折腰豈愛蘄州竹。問
漢須尋織女機。竒絕黃山待佳句。何時小雨濕
征衣。

乞盟豹巖之北。脩竹數畝。中有叢冢數十
百處。皆紹興末年所寄。余得地先定規
撫某處起亭榭。某處植花木。七八年間
成畦逕矣。所寄之櫬願移者從之。不強
也。作噩之春有姓淡人來啓啓。敢卜日
携鍾掘土數尺。敗棺俱在。朽骨爲土所

蝕頗亦不具皆包裹而去後數日忽訴
于縣于州于外臺追問証治踰月始定
今不復塞其故穴欲使孫曾知之故作

此詩

未央長樂宮中有樗里墓沈沈天子居咫尺穴
狐兔乃知古聖人如天覆下土雖袒裼裸程罔
目曾不顧賢哉季武子杜殯迫西廡堂皇步武
接松檟暗鐘鼓桃刻不屏除芻靈許來禘忌諱
後愈多今人不如古曹瞞好發丘凶德比夷虜

掩骼埋其齒人當事斯語我老得歸田買山因
學圃鬱鬱琅玕林叢冢不知數豈恐去枯骨爲
我展杖屨恣其筭侵畝不使種瓜匏花木列四
旁亭榭亦回護數年畦逕成或徙或如故尚有
獷悍人珥筆巧誣訴無言事自明有物衆所覩
舊壙今弗塹朽木且支柱尚恐妄男子輕傳市
中虎書事示孫曾無心覓佳句

附韓元吉詩

有南
澗集

雨中聞伯恭至湖上

莫嫌鞭馬踏春泥。茶鼎詩囊偶共携。山色雨深
 看更好。湖光煙接望還迷。連天花絮飛將盡。夾
 道蒲荷長欲齊。官事得閒須洗眼。蓬壺只在帝
 城西。

記建安大水

孤城雨脚暮雲平。不覺魚龍自滿庭。託命已甘
 同木偶。置身端亦似羸瓶。浮家却羨鷗夷子。弄
 月常憂太白星。當日乘槎便仙去。故人應在曲
 江靈。

紅梅

不隨羣艷競年芳。獨自施朱對雪霜。越女謾誇
 天下白。壽陽還作醉時粧。半依脩竹餘真態。錯
 認天桃有暗香。月底瑤臺清夢到。霓裳新換舞
 衣長。

送陸務觀得倅鎮江還越

高文不試紫雲樓。猶得聲名動九州。金馬漸登
 難避世。蓬萊已近却回舟。燒城赤舌知何事。許
 國丹心惜未酬。歸卧鏡湖聊洗眼。雨餘層壑正

奔流

送陸務觀福建提倉

觥船相對百分空京口追隨一夢中落紙雲煙
君似舊盈巾霜雪我成翁春來茗葉還爭白臘
近梅梢盡放紅領畧溪山須妙語小迂旌節上
凌風

附韓琥詩字仲止南
淵之子也

五月十日

片月生林白泐流澗亦明幽人方獨夜山寺有

初行野處偏宜夏貧家不厭晴薰風吹老髮腐
草見飛螢

七月四首

水石雲山裏歸來已九秋隔城如淺近隣寺始
深幽蕙遠逢脩靜文淵說少游徑荒殊不掃風
葉上牽牛

其二

地僻稀人迹重林日自虛鳥飛晨氣外蟬噪晚
涼初餘潤從侵屨浮埃倦整書樵漁時上下閉

戶又何居

其三

木末芙蓉起，亭亭綠且青。
牆猶承片瓦，窗不礙疎櫺。
次第花擎蓋，縱橫葉展屏。
石丁誰主者，仙豈待沈冥。

其四

擁砌叢生菊，何關老意多。
澆花驚易燥，耘草喜成科。
枕簟猶宜睡，餐香豈待哦。
淵明藏不盡，滿把尚婆娑。

雨多極涼冷

焉知三伏雨，已作九秋風。
木葉涼應脫，禾苗潤必豐。
池偏山吐月，橋斷水浮空。
雞犬隣家外，魚蝦小市中。

晚雨可愛

燈火涼秋夜，空山雨到簷。
吹聲初甚少，落勢近頻添。
籬菊叢叢潤，畦蔬種種沾。
沈思仍靜聽，香鼎伴書籤。

雨涼意可掬

歷代詩選 卷四十三
秋聲連夜起。秋意雨來時。睡覺風生屋。涼須水
到池。交游稀自好。出入懶方宜。只被章泉誤。書
題又寄詩。

晚春

幽砌疎畦送晚春。水流山靜見閒身。行吟散去
風光好。熟睡醒來雨氣新。木筆豈非濃意態。石
楠終是淡精神。鶯聲圓處鶡鶩聲。急景物芳菲不
負人。

十三日

南山春雪未全消。路盡浮梁步石橋。深綠漸歸
高柳葉。淺紅初上小梅梢。寒寺院鐘聲起。昏
暮人家獨影搖。一夜東風吹酒醒。夢回花月是
元宵。

寒食

曉色猶濛淡淡煙。花間行過小溪邊。人家寒食
當晴日。野老春遊近午天。吹盡海棠無步障。開
成山柳有堆綿。呼兒覓友尋隣伴。看却村農又
下田。

九日破曉携兒姪上前山竚立佳甚

懷玉鏡臺開遠晴靈溪葛水去無聲園荒不礙
憑高立徑側何須委曲行露氣已濃清可掬日
華初出畫難成閒居九日依辰至舉俗胡爲亦
愛名

風雨中誦潘邠老詩

滿城風雨近重陽獨上吳山看大江老眼昏花
忘遠近壯心軒豁任行藏從來野色供吟興是
處秋光合斷腸今古騷人乃如許暮潮聲捲入

蒼茫

探梅

簡點山前梅蘂痕花雖未放已銷魂縱饒老榦
摧幽谷也勝繁華倚市門冷落不成欺歲晚陽
和且可待春溫清香一噴紅梢滿却月凌風未
易論

梅花

今年全未作梅詩與向花前浪品題不分雪霜
摧折盡尚須天日照臨之靜看冷蘂無人會閒

遶孤根只自知猶有幽禽解鳴語爲予醅酢始
移時

又

肯同桃李強攬春自占空山野水濱老氣却因
高樹得清姿不待數花新本來澹薄難從俗縱
入紛華已絕塵最愛夜深霜重處冷風吹起月
精神

春山看紅梅

年年常得醉君家今日紅梅正着花點綴初非
桃有艷橫斜寧與李爭華依然竹外并林下况
復山巔與水涯步遶孤根香更在高懷無惜共
流霞

澗上臘梅香甚

照眼花枝是臘梅香傳小樹爲誰開弄陰欲雪
山長暝破曉終風水漫洄鳥語春聲喧復靜鴻
飛寒影去還來數間敗屋浮橋外何苦無吟不
舉杯

梅下

蘇東坡詩選

宋韓中士卷四十三

七

君

歷代詩選 卷之四十一
雖得霜濃春自濃野梅無處不爲容半依古渡
迷芳草獨占荒山對古松綽約花房宜戲蝶崔
嵬枝幹若游龍角巾一幅支筇久不覺煙中有
寺鐘

澗東臨風飲梅花尚未全放一樹獨佳

殘雪餘寒二月來澗東猶是欲開梅夕陽影澹
初尋句流水聲清更把杯取友喚隣相領略破
荒尋勝獨徘徊誰能折向南枝醉一陣寒香撲
麝煤

探梅

探梅山路一杯停日澹風微遠靄生莫問古來
尋古話只知春近愛春情幾枝冷蘂吟方見一
點疎花畫不成我挾兩兒同二友老來酒外更
何營

附許將詩

元祐狀元字
冲元福州人

成都運司西園亭詩

高牙負北郭芳園路西轉鳥鳴戀故木蘭苗歸
新畹坐延花景深行倚筇枝穩翳然想林水會

歷代詩選

宋

韓仲止卷四十三

七

心不在遠

其二

朱堂俯玉谿。玉谿清且幽。從公暫息偃。撫景空夷猶。浮雲冠圓島。白日回方流。祗此有光碧。何必崑崙洲。

其三

重樓起城陰。乘高望四極。列峰橫青天。飛雪千里積。疑是空素山。冬夏海中白。莫怪頻東向。上有思歸客。

其四

海棠冠蜀花。此軒花尤冠。紅雲簇細綠。水照葉嫩倚粧宮。粉聚疊綺霞光散。雨淚點春風。應懷上林怨。

其五

蜀地山四維。益州平如掌。累臺鬱臨風。坐看月宵上。稍出叢木末。始發衆籟爽。茲焉暫遊目。一覽天地廣。

其六

歷代詩選

宋許冲元

卷四十三

古

歷代詩選 卷四十三
欄干竇溜長。窸窣空埃靜。脩林密總翠。盡得錦
城景。雲舒青青色。風散搔搔影。未爲夜行人。共
此晝夜永。

其七

引泉注清渠。潺潺漱寒玉。側出閭風遲。驟驚江
雨速。飛瀨乍揚白。樛木細涵綠。晝夜聲不止。肯
効楚人哭。

其八

茅茨以爲菴。環顧蕭然虛。內樂苟自足。客人卽
有餘。旁依脩竹密。上翳青松疎。勿言此中陋。中
有君子居。

其九

飛閣出方池。脩曲見空莽。低臨花塢近。平覺春
波長。返景澄餘暉。夕陰帶浮爽。從容觀魚樂。不
減遊濠上。

其十

翩然溝上亭。左右相映帶。脩栊列翠幄。長松偃
高蓋。地褊景逾寬。處約志彌泰。誰知坐嘯間。心

歷代詩選

宋詩卷之四十三

七

遊萬物外

遊東山和程大卿師孟

東山十里復溪流，遠客時時騁望愁。
泉近榴花深洞口，亭開師子舊峰頭。
一州旗色天邊出，三館芸香海上留。
南北共歌公所憇，獨嗟無計共英游。

東山碧巖亭

舊室曾留古岼邊，新亭同賞碧巖前。
日生獅子峰頭木，煙伴榴花洞口泉。
黃葉入秋山出地，白雲臨曉海垂天。
飄然蹤跡今何定，別去江湖又一年。

石倉十二代詩選

詩選

宋詩卷之四十三

歷代詩選

宋詩卷之四十三

卷四十三

七

歷代詩選
宋詩卷之四十四

石倉十二代詩選

宋詩卷之四十四

竹友集

宋臨川謝、邁著

明後學曹學佺閱

賦陳虛中振芳堂

青腰按節臨天關，
刃成圭璧驚人寰。
一朝忽起枯槁想，
墮作人間冰雪顏。
國香端擬避清絕，
鳳車安得窺幽閒。
雪中長疑肌起粟，
挽在直恐乘風還。
風流別乘似何遜，
哦詩典律排江州。
華堂燒燈呼客醉，
况引玉頰依瑯闌。
廣平題賦工婉

歷代詩選

宋謝初集

卷四十四

一

葉士

媚杜陵索句愁飛翻。小人徑欲悟香寂。何當步
繞橫斜間。

雙蓮閣

水芝凝露披芳塘。淺粧穠畫爭煌煌。其間艷異
不世出。連芳並蒂知何祥。有如一座兩姝色。盈
盈植立漢昭陽。九回沈水不須沐。風和露洗皆
生香。公如瑤林映紅粉。粲然一笑傾澄觴。故開
華閣掛銀榜。大篇金薤垂琳琅。吾聞草木正瑞
世。篋蒲扇暑芝生房。須煩丹青顧陸手。貌取綺

艷歸明光

顏魯公祠堂

上皇御宇無長策。牧羊奴子孤恩澤。銀菟分印
屬兒曹。二十餘州齊陷賊。常山死守平原拒。公
家兄弟聲名赫。平原白首立班行。忠義凜凜真
嚴霜。歷事四朝惟一節。當年舌舐中丞血。豈知
丞相面如藍。貌雖夷易心巉巖。老臣何罪死虎
口。到今誰爲祛其銜。臨風志士長悲吒。矧瞻遺
像巖祠下。未能立草迎送詞。一奠椒漿淚盈把。

翠雲道中觀穫

代田誰爲西漢議耐旱幸有占城禾揮鎌正見
八月穫拾穗遙憐一老歌爲言使君驅五馬北
陌東阡餉耕者汝曹力穡更當勤慎勿惰遊辜
使君

許巨源送筭

君家遶屋青琅玕驚雷裂地千兵攢入山長鏡
不汝赦日削玉版登瑯盤有餘鼠壤幸分似憐
我羹稀筋易寬厨人取給晝備饌頓使齒頰生
甘寒韭菹薤苗豈復數裔美似覺無糶糶嘗聞
幽士愛風竹恐喂其子吾何觀願君養成四時
葉他時犯雪同君看

登同樂亭飲泉

昔人愛斯泉結構泉上屋空亭何所有冷氣宜
三伏泠泠石甃淨須眉真可矚欲飲無樽罍挹
彼纔盈掬何時近亭居醉卧籬邊菊

次劉世基韻

兒時窺豹見一斑晚學一技千金殫齊房芝草

不並秀且殄秋菊。紉春蘭無心時。共白雲出忘
機。日對沙鷗閒。窮人與世各異調。敢望一唱仍
三歎。昨來卜居向巖邑。玉川破屋纔數間。朝看
爽氣出遠岫。夜聽遶舍鳴清湍。幾回欲棹酒船
去。賀老不見空稽山。

李成德作二筆几。以其一見遺云。得樣干
邈子中家。并示長句。輒次韻奉酬。

琴不安絃製竒古。可憐不入文房譜。鼠鬚龍尾
玉蟾蜍。與汝俱成會心侶。誰能好事爲品題。端
效廣微亡輒補。謫仙傳樣桂林家。以暗投人吾
竊取。我書太俗如墨豬。下慙羅趙何足數。蒙公
厚貺試臨池。一字不成如畫虎。欲報初無青玉
案。哦詩况乏驚人語。淨鋪滑薄待君來。慎莫踟
躕畏今雨。

碧筩

君不見韓潮州銀作飲。醜誇工僂鑄花鏤葉太
瑣碎。何言豪士亦爾爲。又不見六一翁嘗吟鸚
鵡紅螺詩。華堂一醕豈不樂。清歌勸酒須蛾眉。

吾儕山人寧有此競折圓荷爲飲器細傾初作
 露珠圓滿引忽驚雲液碎鼻中寂寂聞妙香
 本徐徐識真味採蓮當殺花當妓豈有登臨百
 金費安得城西十頃塘水光容裊暑風涼時引
 碧甯如象鼻仍看翠蓋立霓裳

秋日登鳴玉亭

山路秋陽何赫赫山亭凄冷多秋色豈惟醒耳
 玉淙瑋照眼光寒如練白舊聞瀑布垂雲間恍
 疑銀河墮天關西望香爐不得在箇中元有小

廬山

有懷覺範上人

道人心與貌俱古哦詩不復効等伍清疑仙掌
 露華墮新似秋空玉鈎吐要將餘事付風騷已
 悟玄機窺佛祖泐潭老子乳於菟果在叢林嘯
 風雨何當埽室祇樹園夜看金盆聽軟語我雖
 不是龐德公懶駕柴車入城府公如歸結白蓮
 社留我山邊一屢許

次韻彥光睡起病目

蝶夢游揚卧碧紗。知君不賞玉釵斜。夢回起坐
有佳思。亂觸牙籤書五車。黑蠅着眼君勿嗟。學
道乃得青蓮華。商略此言當過我。樵青竹裏爲
煎茶。

陳循中求賦高麗墨詩爲作長句

老松收煙琢玄玉。可試洮州鴨頭綠。來從萬里
古樂浪。傳到麻源第三谷。要須岱郡鹿角膠。擣
成方解土炭啣。請君摩研寫新作。一弄潺湲吊
康樂。

陶淵明寫真圖

淵明歸去潯陽曲。竹杖蒲鞵巾。一幅陰陰老樹
轉黃鶯。艷艷東籬粲霜菊。世紛無盡過眼空。生
事不豐隨意足。田家酒熟未嘗新。頭上自有漉
酒巾。老農時問桑麻長。提壺挈榼來相親。一樽
徑醉北窓卧。蕭然自謂羲皇人。此公聞道窮亦
樂。容貌不枯似丹渥。世途絕響求山林。此日高
標同寂寞。假令九原今可作。舉公籃輿也不惡。

秋暑

歷代詩選
秋暑不可耐秋風殊未來何時疎畫扇無處覓
涼臺誰謂月離畢空驚山殷雷愁聞老農語南
畝半黃埃

寄汪信民

泮水傳經老蓬山佐著才宦遊思引去祿養可
歸來要路眼誰白浮雲心自灰少年何太健君
馬獨虺隤

其二

繫纜苻離日君行殊未歸寄書問亳社有夢過

江西不見揮犀柄頗驚響馬蹄殷勤且雜黍多
謝德公妻

喜董彥速自仙巖歸

鉢囊高掛同僧夏遠寄巖間一把茅地僻徂猴
長作伴食貧櫻筍不克庖瘦藤任拄萬峰頂野
鶴來歸千歲巢點簡篋中詩幾首蒼頭時遣爲
君抄

莫莫堂新竹

僻寂漏茅屋蕭梢新竹枝徑迷人不到蔭密鳥

還知綠色忽忽挽薰風細細吹卽看柯葉老寧
受歲寒欺

晚春書事

春來畏病不飲酒孤負山南山北花有客歎門
驚剝啄無人追韻得車斜獨翻砌下二三子豈
憶城南韋杜家不畏詩窮嫌水厄時時搜句煮
新芽

題子逢辰畫

踏徧江南岸歸來試解衣誰言物外賞不與筆

端違石帶蒼苔瘦風凋折葦稀令人清興發欲
問釣魚磯

戲咏石榴晚開

靡靡江蘼只喚愁眼前何物可忘憂棟花淨盡
綠陰滿纔見一枝安石榴

絡緯

聒人長向井邊啼在宇丁寔戒授衣織素盡輸
官事了秋來工女正投機

招汪叔野

歷代詩選
夜語僧窓雪載途歸來夏木已扶疎兩牛鳴處
地非遠萬竹陰邊吾所廬兒能竊聽從忘篋子
盍徐行可當車莫訝南鄰狂處士摻搥傾坐一
軒渠

鳴鳩

雲陰解盡却殘暉屋上鳴鳩喚婦歸不見池塘
煙雨裏鴛鴦相並濕紅衣

種竹

闢地種脩竹得方緣祕經成陰向北宇倒影落

中庭直取內含素豈惟枝鬪青龍鐘玉川子猶
擬抱添丁

李簿家有侍兒妙麗善歌舞諸人惜其死
爲賦詩余亦賦

草頭朝泣露溥溥樵歌暮歸丘隴寒當時座上
客半醉琵琶不許近簾彈

次韻無逸兄見示

憔悴誰能賦大招會將菌桂雜中椒巷南鄰里
頻相過水北山人詎可邀細酌敢謀長袖舞苦

歷代詩選 卷四十四
吟空咏寸岑遙耕耘賴有陶潛婦不羨孫郎對
大橋

玉茗花

佳園昨夜變春容清曉驚開玉一叢素質定欺
雲液白淺粧羞退鶴翎紅似聞金谷初無種欲
畫鵝溪恐未工底事餘花避三舍孤高元有史
君風

寄洪鴻父

兒時訪道漳江上燕雀羣中見阿鴻南浦飛雲
看畫棟北窓欹枕傲清風讀書長憶登山勝作
尉聊甘食薺窮想見咏懷非一律鉤章棘句定
能工

食菜

道人真是伊蒲塞頓頓園蔬入饌來紫芥寒菹
叅薤韭黃橙苦酒伴鹽梅蒸豚不羨貯人乳飯
豆亦能羹芋魁但恐酪奴不解事攪令枵腹轉
春雷

暮春

歷代詩選

宋謝道韞

卷四十四

溜渠鳴玉雨成霖。春草池塘數尺深。後院落花
人不到。無聊獨下海棠陰。

吳彩鸞寫真

天上鳳皇難獨宿。人間翡翠本雙棲。丹青不與
文簫共。誰遣雉東迷。雀西

山間

籬落秋花未得霜。嫣然一笑媚秋陽。可人風味
撩詩興。不記姚家宮樣黃。

過金山下作

揚子江中風浪生。小舟如葉任欹傾。槳搖但指
金山寺。霧暗初疑鍊甕城。絕頂迥分雙塔秀。層
樓危立一僧清。他年來訪誅茆地。吾與此鄉春
水盟。

題跋

臨川謝逸字無逸。其文章學業爲搢紳推重。以
其所居溪堂稱之曰溪堂先生。弟過幼槃以字
行。兄弟以詩鳴。江西有文集合三十卷。邦之學
士欲刊之。以貽永久。積數十年而未能也。粵紹

歷代詩選 卷四十四
興辛未趙公朝議來守是邦。其年政成，民服其教，慨然思以儒雅節吏事，命勒其書于學宮，以稱邦人之美意。昌言以鉛槧董茲職，于是搜訪闕遺，以相參訂。晚得溪堂善本于前學正易箴，又得幼槃善本于其子敏行。箴知溪堂出處甚詳，敏行逮事其父，詩律有典刑，其編次是正，可無恨矣。刀筆方興，士大夫翕然稱贊，工未訖功，而四方願致其集者日至，以是知二公之名重當時，欲見其書者，惟恐後也。聞之鄉老，無逸之

交游無非天下名士，其後幼槃聲聞寢廣，與之並驅而爭先。既沒之後，爲之傳序，爲之哀詞，祭文者甚衆。今未暇廣詢而徧錄也。特取舍人呂公之所書，摹其真蹟，下後庶幾因呂公之文而不失二公文行之實云。壬申冬十一月辛卯朔，建康苗昌言謹題。

謝康樂詩規摹宏遠，爲一時之冠。而玄暉詩清新獨出，又自有過人者。後之善言詩者，于二公蓋未敢有所優劣也。本中竊以爲無逸詩似康

樂幼槃詩似玄暉此平等之論也紹興三年秋
自嶺外北還過臨川去幼槃之沒十八年矣始
盡得幼槃書于其子長訥所伏讀累日益知前
語之不謬雖然幼槃與其兄無逸脩身厲行在
崇寧大觀間不為世俗毫髮汙染固後進之師
也其文字之好蓋餘事爾後之學者尊其行弁
學其文可也學其文不究其行則非二子立言
之本志九月二十日呂本中書

幼槃詩文不傳于世此本從內府借出時方涇

矣京師傭書甚貴需銓旅邸資用不贍乃自為
鈔寫每清晨呵凍十指如槌幾二十日始克竣
帙藏之于家亦足詫一段奇事也萬曆己酉十
二月十四日辛酉晉安謝肇淛題

附謝逸詩

題王立之大裘軒

小人拙生事三冬卧無帳恐寒東窓底坐待朝
曦上徐徐晨光熙稍稍氣血暢薰然四體和恍
若醺春釀此道秘不傳詎易車百兩君胡得此

法開軒亦東向。蘇公名大裘。意豈在萬丈。但味
名軒心。人人如挾纊。

社日

雨柳重重葉。風溪細細紋。清歡惟煮茗。美味只
羹芹。飲不遭田父。歸無遺細君。東臯農事動。舉
趾待耕耘。

送董无違

讀書不作儒生酸。躍馬西入金城關。塞垣苦寒
風氣惡。歸來面皴鬚眉斑。先皇召見延和殿。議
論慷慨天開顏。謗書盈篋不復辯。脫身來看江
南山。長江滾滾蛟龍怒。扁舟此去何當還。大梁
城裏定相見。玉川破屋應數間。

鐵柱觀

豫章城南老子宮。塔前一柱立積鐵。云是旌陽
役萬鬼。夜半昇來老蛟穴。插定三江不沸騰。切
勿搖撼坤軸裂。蒼苔包裹鱗皴皮。我欲摩娑肘
屢掣。旌陽挈家上天去。只留千夫應門戶。西山
高處風露寒。茲事恍惚從誰語。安得猛士若朱

歷代詩選 卷四十四
一四
亥袖往橫山打狂虜

豫章別李元中宣德

舊聞諸李隱龍眠。伯時已老元中少。一行作吏
各天涯。故人落落疎星曉。西山影裏識君面。碧
照章江。眸子瞭。向來問道渺多岐。只今領略歸
玄妙。老鳳垂頭禁不語。古木查牙噪春鳥。身在
幕府心江湖。左胥右律但坐嘯。第愁一葉釣漁
舟。不容七尺堂堂表。我今歸卧靈谷雲。君應紫
禁鶯花繞。相思有夢到茅齋。細雨青燈坐林杪。

聞徐師川自京師還豫章

九衢塵裏無停輶。君居陋巷不出遊。滿城惡少
弋鳧雁。對面故人風馬牛。別後夢寒燈火夜。歸
來眠冷江湖秋。馮驩老大食不飽。起視八荒提

蒯緱

寄隱居士

處士骨相不封侯。卜居但得林塘幽。家藏玉唾
幾千卷。手校韋編三十秋。相知四海孰青眼。高
卧一庵今白頭。襄陽耆舊詢名德。祇有龐公不


應作詩選

入州

十烁眯咲四

士

密



夕顏卷道

